

影刊宋金元明本詞

第四册

晁氏琴趣外篇目錄

學士晁

補之

○卷之一

水龍吟 別吳興至松江作

八聲甘州 揚州次韻和東坡錢塘作

八聲甘州 歷下立春

滿江紅 赴信日舟中別次膺

鳳凰臺上憶吹簫 自金鄉至羊山迎次膺

鳳凰臺上憶吹簫

摸魚兒 東臯寓居

永遇樂 同前

過澗歇 同前

黃鶯兒 同前

消息 同前自過腔即永遇樂端午

梁州令 疊韻 同前

酒泉子 同前

歸田樂 同前

訴衷情 同前送春

金鳳鈎 同前送春

金鳳鈎 同前

生查子 同前 夏日即事

行香子 同前

訴衷情 同前

木欄花 遐觀樓

行香子 同前

阮郎歸 同前

浪淘沙 同前 觀雨

碧牡丹 焦城馬上口占

江神子 集句惜春

好事近 中秋不見月 重陽不見菊

○卷之二

洞仙歌 留春

洞仙歌 真廬全詩

永龍吟 次韻林聖予惜春

洞仙歌 溫園賞海棠

洞仙歌 梅

行香子 梅

監角兒 亳社觀梅

清平樂 對晚菊作

江神子 亳社觀梅呈范守

望海潮 揚州芍藥會作

夜合花 和李皓季良牡丹

下水船 和季良瓊花

浣溪沙 櫻桃

萬年歡 梅

感皇恩 海棠

洞仙歌 菊

喜朝天 秦宅作海棠

生查子 梅

少年遊 次季良韻

少年遊 同前

滿江紅 次韻吊李誠之

離亭宴 次韻吊黃魯直

千秋歲 次韻吊秦少游

迷神引 泛玉溪對江山作

滿江紅 赴玉山之謫與諸父泛舟作

○卷之三

古陽關 寄无斁弟宰宝應

玉蝴蝶

安公子 送進道弟赴官无爲

惜分飛 別吳作

惜分飛 代別

離亭宴 憶吳興寄金陵懷古

滿庭芳 憶廬山

滿庭芳 次谷季良

滿庭芳 用東坡韻題自畫蓮社圖

尾犯廬山 一名碧芙蓉

尉遲盃 亳社作惜花

八六子 重九即事呈徐倅

臨江仙 呈祖禹



臨江仙

驀山溪

譙園飲酒爲守令作

驀山溪

驀山溪

亳社寄文潛舍人

驀山溪

和王定國憶廣陵

憶秦娥

和留守趙无媿送別

好事近

南都寄歷下人

阮郎歸

同十二叔從濟州環溪

阮郎歸

阮郎歸

宴桃源

- 一 叢花 謝濟侔宗室令邾送酒
- 一 叢花 十二叔節推以无咎生日和答
- 一 叢花 再呈十二叔

○卷之四

臨江仙 用韻和韓求仁南都留別

臨江仙 同前

浣溪沙 廣陵被召留別

憶少年 別歷下

江神子 廣陵送王左丞赴闕

虞美人

廣陵留別

金盞倒垂蓮

依韻和次膺寄楊仲謀

金盞倒垂蓮

次韻同寄楊仲謀安撫

西平樂

廣陵送王資政正仲赴闕

御街行

待命護國院不得入國門

生查子

同前感舊

青玉案

同前

水龍吟

南歌子

譙園作

醉落魄

萬年歡 次韻和季良

臨江仙 信州作

虞美人

安公子 和次膺叔

綠頭鴨

水龍吟 寄留守无愧文

惜奴嬌

臨江仙

臨江仙

滿庭芳

定風波

千秋歲

千秋歲

鷓鴣天

清平樂

○卷之五

虞美人

用韻答秦令

浣溪沙

萬年歡

寄韻次膺叔

一叢花

減字木蘭花

菩薩蠻

鷓鴣天

杜侍郎郡君十二姑生日

鳳簫吟

永嘉郡君生日

梁州令

同前

引駕行

同前亦名長春

菩薩蠻

同前

點絳脣

同前

上林春

韓相生日

楊柳枝

鷓山溪

鷓山溪

生查子

少年遊

青玉案

江城子 贈次膺叔家娉娉

青玉案 傷娉娉

勝勝慢 家妓榮奴既出有感

點絳脣 同前

○卷之六

永遇樂 贈雍宅璨奴

虞美人 代內

朝天子

行香子 贈輕盈

感皇恩

臨江仙 代內

碧牡丹 王晉卿都尉宅觀舞

少年遊

西江月

鷓鴣天



滿江紅

寄內

孔氏目

菩薩蠻

代歌者怨

減字木蘭花

陳履常

臨江仙

臨江仙

晁達州見和

紫玉簫

鬪百草

鬪百草

鬪百花

汶妓閻麗

鬪百花

汶妓楮延娘

鬪百花

御街行次韻和次膺叔

南歌子

清平樂

好事近

晁氏琴趣外篇目錄

晁氏琴趣外篇卷之一

學士晁補之

水龍吟別吳興至松江作

水晶宮繞千家卞山倒影雙溪裏白蘋洲渚詩  
成春晚當年此地行遍瑤臺弄英携手月嬋娟  
際筭多情小杜風流未覩空腸斷枝間子  
一似君恩賜與賀家湖千峯凝翠黃梁未熟紅  
旌已遠南柯舊事常恐重來夜闌相對也疑非  
是向松陵回首平蕪盡處人青山外

八聲甘州

揚州次韻和東坡錢塘作

謂東坡未老賦歸來天未遣公歸向西湖兩處  
秋波一種飛靄澄輝又擁竹西歌吹僧老木蘭  
非一笑千秋事浮世危機

應倚平山欄檻是醉翁飲處江雨霏霏送孤鴻  
相接今古眼中稀念平生相從江海任飄蓬不  
遣此心違登臨事更何須惜吹帽淋衣

又歷下立春

謂東風定是海東來海上取春先乍微陽破臘  
梅心已省柳意都還雪後南山聳翠平野欲生  
煙記得逢日如上林邊

莫歎春光易老，筭今年春老，還有明年。嘆人生  
難得常好，是朱顏有隨軒金釵十二，爲醉嬌一  
曲踏珠筵。功名事，筭何如此，花下樽前。

滿庭芳

赴信日舟中別次膺十二叔

鷗起蘋中，魚驚荷底，畫船天上來。時翠灣紅渚，  
宛似武陵迷。更晚青山更好，孤雲帶遠，雨絲垂。  
清歌裏，金樽未掩，誰使動分携。

竹林高晉，阮阿咸，瀟散猶愧風期。便弃官終隱，  
釣叟苔磯，縱是冥鴻雲外，應念我垂翼低飛。新  
詞好，他年認取，天際片帆歸。

鳳凰臺上憶吹簫

自金鄉之齊至  
羊山迎次膺

千里相思况無百里何妨暮往朝還又正是梅  
初淡竚禽未綿蠻陌上相逢緩轡風細細雲日  
斑斑新晴好得意未妨行盡青山

應携後房小妓來爲我盈盈對舞花間便拚了  
松醪翠滿蜜炬紅殘誰信輕鞍射虎清世裏曾  
有人閑都休說簾外夜久春寒

又

才短官慵命竒人弃年年故里來還記往歲蓮  
塘送我遠赴荆蠻莫道風情似舊青鏡裏綠鬢

新斑佳人怪把盞爲我微斂眉山

從來嗣宗高韻獨見賞青雲負絕塵間謾回首  
平生醉語一夢驚殘莫笑移花種柳應備辦投  
老同閑從枯槁松檜耐得霜寒

摸魚兒

東臯寓居

買陂塘旋栽楊柳依稀淮岸江浦東臯嘉雨新  
痕漲沙嘴鷺鷥來鷗聚堪愛最好是一川夜月光  
流渚無人獨舞任翠幄張天柔茵藉地酒盡未  
能去

青綾被莫憶金閨故步儒冠曾把身誤弓刀千

騎成何事荒了邵平瓜圃君試覷滿青鏡星星  
鬢影今如許功名浪語便似得班超封侯萬里  
歸計恐遲暮

永遇樂同前

松菊堂深芰荷池小長夏清暑燕引雛還鳩呼  
婦往人靜郊原趣爽天已過薄衣輕扇試起澆  
園徐步聽衡宇欣欣童稚共說夜來初雨  
蒼管徑裏紫葳枝上數點幽花垂露東里催鋤  
西隣助餉相戒清晨去斜川歸興翛然滿目回  
首帝鄉何處只愁恐輕鞭犯夜霸陵舊路



過澗歇 同前

歸去奈故人尚作青眼相期未許明時歸去放  
懷處買得東臯數畝靜愛園林趣任過客剝啄  
相呼晝扃戶

堪笑兒童事業華顛向誰語草堂人悄圓荷過  
微雨都付邯鄲一枕清風好夢初覺砌下槐影  
方停午

黃鶯兒 同前

南園佳致偏宜暑兩兩三三脩篁新篁新出初  
齊猗猗過簷侵戶聽亂風支荷風細灑梧桐雨

午餘簾影參差遠林蟬聲幽夢殘處

凝竚既往盡成空暫遇何曾住算人間事豈足  
追思依依夢中情緒觀數點茗浮花一縷香縈  
炷怪來人道陶潛做得羲皇侶

消息

同前自過腔即越調永遇樂端午

紅日葵開映墻遮牖小齋端午盃展荷金簪抽  
筍玉幽事還數綠窻纖手朱奩輕縷爭鬪綵文  
虎想沉江怨魄歸來空惆悵對菰黍

朱顏老去清風好在未減佳辰歡聚趣蠟酒深  
斟菖歊細糝圍坐從兒女還同子美江村長夏

閑對燕飛鷗舞筭何須楚王雄風方消畏暑

梁州令疊韻

田野閑來慣睡起初驚曉燕樵青走掛小簾鉤  
南園昨夜細雨紅芳遍

平蕪一帶煙光淺過盡南歸鴈俱遠凭欄送目  
空腸斷

好景難常占過眼韶華如箭莫教鷓鴣送韶華  
多情楊柳為把長條絆

清樽滿酌誰為伴花下提壺勸何妨醉卧花底  
愁容不上春風面

酒泉子 同前

萱草戎葵松菊堂深猶畏暑晚雲催雨靄簾櫳  
滿樓風

池蓮翻倒小蓮紅看掃鑑天清似水一輪明月  
却當空盡欄中

歸田樂 同前

春又去似別佳人幽恨積閑庭院翠陰滿添書  
寂一枝梅最好至今憶

正夢斷爐煙裊參差踈簾隔爲何事年年春恨  
問花應會得

訴衷情 同前送春

東城南陌路歧斜芳草遍藏遮黃鸝自是來晚  
莫恨海棠花

驚雪絮滿天涯送春賒問春莫是憶着東君自  
去還家

金鳳鈎 同前送春

春辭我向何處怪草草夜來風雨一簪華髮少  
歡饒恨無計殢春且住

春回常恨尋無路試向我小園徐步一欄紅藥  
倚風含露春自未曾歸去

又同前

雪消閑步花畔試屈指早春將半櫻桃枝上最  
先到却恨小梅芳淺

忽驚拂水雙來燕暗自憶故人猶遠一分風雨  
占春愁一來又對花腸斷

生查子

同前

夏日即事

永日向人研百合忘憂草午枕夢初回遠柳蟬  
聲杳

鮮井出冰泉洗滌煩襟了却掛小簾鈎一縷爐  
煙裏

行香子 同前

前歲栽桃今歲成蹊更黃鸝久住相知微行清  
露細履斜暉對林中侶閑中我醉中誰

何妨到老常閑常醉任功名生事俱非衰顏難  
強拙語多遲但酒同行月同坐影同嬉

訴衷情 同前

小園過午便覺涼生翠栢戎葵閑出墻紅萱草  
靜依徑綠還是去年浮瓜沉李追涼故繞池邊  
竹小筵促

忽憶楊梅正熟下山南畔畫舸笙歌逐愁凝目

使君彩筆佳人錦字斷絃怎續盡日攔干曲

木欄花 遐觀樓

小樓新砌堪臨遠一帶寒山都入眼人間應未  
覺春歸樓上已先變柳眼

風威自與微陽戰雪意不遮殘臈換少湏文棟  
燕雙回來看東城花一片

行香子 同前

歸鳥翩翩樓上黃昏黯天氣殘照餘痕曲攔干  
裏有个愁人向不言中千載事一年春

春來似客春歸如雲付樓前行路雙輪傾江變



酒舉斛爲樽，斷浮生外愁。千丈不關身。

阮郎歸

同前

小樓獨上暮鍾時，紅霞樓外飛煙中。遠鳥一雙歸，城門燈火微。

橫短吹，傍危梯。冰輪湧海遲。天涯幽恨有誰知。涼風時動衣。

引駕行

梅梢瓊綻東君次第開。桃李痛年年好風景。無事對花垂淚。園裏舊賞處，幽葩柔條一一動芳意。恨心事春來間阻。憶年時把羅袂雅戲。

櫻桃紅顆爲插邊明麗又漸是櫻桃嘗新忍把  
舊遊重記何意便雲收雨歇瓶沉簪折兩無計  
謾追悔憑誰向說只厭厭地

碧牡丹

焦成馬上口占

漸老閑情減春山事撩心眼似血桃花似雪梨  
花相間望極雅川陽燄迷歸鴈征鞍方長坂正  
魂亂

舊事如雲散良游盛年俱換罷說功名但覺青  
山歸晚記插宮花扶醉蓬萊殿如今霜塵滿

江神子

集句惜春

雙鴛池沼水融融桂堂東又春風今日看花花  
勝去年紅把酒問花花不語携手處遍芳叢  
留春且住莫忽忽秉金籠夜寒濃沉醉插花走  
馬月明中待得醒時君不見不隨水即隨風

好事近

中秋不見月  
重陽不見菊

風雨過中秋愁對畫簾銀燭那更氣遲節晚負  
重陽金菊

月期花信尚參差功名更難卜何事四時俱好  
一杯一曲

晁氏琴趣外篇卷之一

晁氏琴趣外篇卷之二

洞仙歌 留春

花恨月惱更夏有涼風冬軒雪皎閑事不關心  
筭四時皆好從來又說春甚登覽人意多同常  
是惜春過了須痛飲莫放歡情草草年少

尚憶瑤階得雋尋芳驂驪東城適見垂鞭酩酊  
南陌又逢低帽鶯花蕩眼功名涵意無限嬉遊  
榮華事如夢杳傷富貴浮雲曾縈懷抱爲春醉  
倒願花更好春休老開口笑占醉鄉莫教人到

又填盧仝詩

當時我醉美人顏色如花堪悅今日美人去恨  
天涯離別青樓朱箔嬋娟蟾桂三五初圓傷二  
八還又缺空竚立一望一見心絕心絕

頓成淒涼千里音塵一夢懽娛推枕驚巫山遠  
洒淚對湘江闊美人不見愁人看花心亂含愁  
奏綠綺絃清切何處有知音此恨難說怨歌未  
闕恐暮雨收行雲歇窻梅發乍似覩芳容冰縈

水龍吟

次韻林聖予惜春

問春何苦忽忽帶風伴雨如馳驟幽葩細萼小  
園低檻壅培未就吹盡繁紅占春長久不如垂

柳筭春常不老人愁春老愁只是人間有  
春恨十常八九忍輕辜芳醪經口那知自是桃  
花結子不因春瘦世上功名老來風味春歸時  
候縱樽前痛飲狂歌似舊情難依舊

洞仙歌

溫園賞海棠

群芳老盡海棠花時候雨過寒輕好清晝最妖  
饒一段全是初開雲鬢小塗粉施朱未就  
全開還自好駘蕩春餘百樣宮羅鬪繁綉縱無  
語也心應恨我來遲恰柳絮將春歸後醉猶倚  
柔柯怯黃昏這一點愁須共花同瘦

又梅

年年青眼爲江梅腸斷一句新詩思無限向碧  
瓊枝上白玉葩中春猶淺一點龍香清遠

誰拋傾國艷昨夜前村都恐東皇未曾見正倚  
墻紅杏芳意濃時驚千片何許飄零仙館待冰  
雪叢中看竒姿乍一笑能回上林冬暖

行香子

梅

雪裏清香月下踈枝更無花比並瓊姿一年一  
見千繞千回向未開時愁花放恐花飛

芳樽移就幽葩折取似玉人携手同歸揚州應



記東閣逢時恨劉郎誤題詩句怨桃溪

鹽角兒 亳社觀梅

開時似雪謝時似雪花中竒絕香非在藥香非  
在萼骨中香徹

占溪風留溪月堪羞損山桃如血直饒更踈踈  
淡淡終有一般情別

清平樂 對晚菊作

黃花過也月酒何曾把寒蝶多情愛瀟灑晴日  
雙雙飛下

沉吟獨倚朱欄采芳貽向邊枕上醉排金壓幽

幽香付與誰怜

江神子亳社觀梅呈范守秦令

去年初見早梅芳一春忙短紅墻馬上不禁花  
惱只顛狂蘇晉長齋猶好事時喚我舉離觴  
今年春事更茫茫淺宮粧斷人腸一點多情天  
賜骨中香賴有飛鳧賢令尹同我過小橫塘

望海潮

揚州為藥會作

人間花老天涯春去揚州別是風光紅藥萬株  
佳名千種天然浩態狂香尊貴御衣黃未便教  
西洛獨占花王困倚東風漢宮誰敢鬪新粧

年年高會江陽看家誇絕艷人詫竒芳結藥當  
屏聯葩就幄紅遮綠繞華堂花面映交相更秉  
管觀洵幽意難忘罷酒風亭夢魂驚恐在仙鄉

夜合花

和李浩季良牡丹

百紫千紅占春多少共推絕世花王西都萬家  
俱好不爲姚黃謾腸斷巫陽對沉香亭北新粧  
記清平調詞成進了一夢仙鄉

天葩秀出無雙倚朝暉半如酣酒成狂無言自  
有檀心一點偷芳念往事情傷又新艷曾說滁  
陽縱歸來晚君王殿後別是風光

下水船 和季良瓊花

百紫千紅翠唯有瓊花特異便是當年唐昌觀  
中玉蕊尚記得月裏仙人來賞明日喧傳都市  
甚時又分與揚州本一朵冰姿難比曾向無雙  
亭邊半酣獨倚似夢覺曉出瑤臺十里猶憶飛  
瓊標致

浣溪沙 櫻桃

雨過園亭綠暗時櫻桃紅顆壓枝低綠兼紅好  
眼中迷

荔子天教生處遠風流一種阿誰知最紅深處

有黃鸝

萬年歡

梅

心憶春歸似佳人未來香徑無迹雪裏江梅因甚早知消息百卉芳心正寂夜不寐幽姿脉脉圖清曉先作宮粧似防人見偷得

真香媚情動魄筭當時壽陽無此標格應寄揚州何郎舊曾相識花似何郎鬢白恐花笑逢花羞摘那堪羌管驚心也隨繁杏拋擲

感皇恩

海棠

常歲海棠時偷閑須到多病尋芳懶春老偶來

恰值半謝妖饒猶好便呼詩酒伴同傾倒  
繁枝高蔭踈枝低繞花底盃盤花影照多情一  
片恨我歸來不早斷腸鋪碎錦門前道

洞仙歌菊

今春閨好怪重陽菊早滿檻煌煌看霜曉喚金  
錢翠雨不稱標容瀟洒意陶潛詩中能道

不應誇絕艷曾妬春華因甚東君意不到又似  
鑊三千漢女偏教明妃怨西風邊草也何必牛  
山苦霑衣筭只好龍山醉狂吹帽

喜朝天秦宅作海棠

眾芳殘海棠正輕盈綠鬢朱顏碎錦繁繡更柔  
柯碧纖搗勻殷誰與將紅間白采薰籠仙衣覆  
斑斕如有意濃粧淡抹斜倚欄干

天饒向晚春後慣困歌晴景愁怕朝寒縱有狂  
雨更離披損不奈幽閑素來禽揔俗謾遮映終  
羞格踈頑誰采頤斜風教舞月下庭間

生查子梅

青帝曉來風偏傍梅梢緊未放玉肌開已覺龍  
香噴

此意比佳人爭奈非朱粉惟有許飛瓊風味依

係近

少年遊次季良韻

廬山瑤草四時春  
煙鎖上宮門  
記得南遊偶尋  
飛澗一洗庾公塵

香炉高詠君家事  
文彩近前人  
它日騎鯨尚憐  
迷路與問衆仙真

又

如今田野謾拋春  
紅雨掩衡門  
懶讀詩書欠伸  
扶杖几按任生塵

從教便向東山老  
誰知是个中人  
莫怪年來倦



尋城市嫌我性情真

滿江紅

次韻吊汶陽李誠之待制

華鬢春風長歌罷傷今感昨春正好瑤墀已歎  
侍臣冥寞牙帳塵昏餘劔戟翠帷月冷虛絃索  
記往歲龍坂誤曾登今飄泊

賢人命從來薄流水意知誰託遶南枝身似未  
眠飛鵲射虎山邊尋舊迹騎鯨海上追前約便  
與世江湖永相忘還堪樂

離亭宴

次韻吊豫章黃魯直

丹府黃香堪笑章臺墜鞭年少細雨春風花落

處醉裏中人傳詔却上五湖船悲歌楚狂同調  
青草荆江波渺香炉紫霄簪小人去江山長依  
舊幼婦空傳辭妙灑泪作招魂楓林子規啼曉

千秋歲

次韻吊高郵秦少遊

江頭苑外常記同朝退飛騎軋鳴珂碎齊謳雲  
遶扇趙舞風回帶嚴鼓斷杯盤藉草猶相對  
灑涕誰能會醉藤陰盖人已去詞空在兔園高  
宴悄虎觀英游改重感旣驚馬壽自卷珠沉海

迷神引

賤玉溪對江山作

黯黯青山紅日暮浩浩大江東注餘霞散綺向

煙波路使人愁長安遠在何處幾點漁燈小迷  
近塢一片客帆低傍前浦

暗想平生自悔儒冠誤覺阮途窮歸心阻斷魂  
素月一千里傷平楚怪竹枝歌聲怨為誰苦  
猿鳥一時啼驚島嶼燭暗不成眠聽津鼓

滿江紅

赴玉山之謫與諸父  
泛舟大澤分題為別

莫話南征船頭轉三千餘里未歎此浮生飄蕩  
但傷佳會滿眼青山芳草外半篙碧水斜陽裏  
問此中何處芰荷深漁人指

清時事羈遊意盡付與狂歌醉有多才南阮自

爲知已不似朱公江海去未成陶令田園計便  
楚鄉風景勝吾鄉何人對

晁氏琴趣外篇卷之二

晁氏琴趣外篇卷之三

古陽關

寄無斁八弟宰寶應

莫草蛩吟噎暗柳螢飛滅空庭雨過西風緊飄  
黃葉卷書帷寂靜對此傷離別重感歎中秋數  
日又圓月

沙背檣竿上淮水闊有飛鳧客詞珠玉氣冰雪  
且莫教皓月照影驚華髮問幾時清樽夜景共  
佳節

玉蝴蝶

暗憶少年豪氣爛南國蓬島風光醉倚吳王宮

殿不解悲涼舞猶慵小腰似柳歌尚怯嬌語如  
篋好林塘玳筵留住彩舫携將

清狂揚州一夢中山千日名利都忘細數從前  
眼中歡事盡成傷去船迷亂花流水遺佩悄寒  
草空江黯愁腸暮雲吟斷青鬢成霜

安公子 送進道四弟赴官無爲

柳老荷花盡夜來霜落平湖淨征鴈橫天鷗舞  
亂魚遊清鏡又還是當年我向江南興移畫船  
深渚蒹葭映對半篙碧水滿眼青山魂凝  
一番傷華鬢放歌狂飲猶堪逞水驛孤帆明夜

事此歡重省夢回處詩塘春草愁難斂苦官情與  
歸期終朝競記它年相訪認取斜川三逕

惜分飛 別吳作

山水光中清無暑是消魂別處只有多情雨會  
人深意留人住

不見梅花來已暮未見荷花又去圖畫他年覩  
斷腸千古苕溪路

又代別

消暑樓前雙溪市畫柱水晶宮裏人共荷花麗  
更無一點塵埃氣

不會史君忽忽至又作忽忽去計誰解連紅袂  
大家都把蘭舟繫

離亭宴

憶吳興寄金陵懷古聲中

憶向吳興假守雙溪四垂高柳儀鳳橋邊蘭舟  
過映水雕甍華牖燭下小紅粧爭看史君歸後  
携手松亭難又題詩水軒依舊多少綠荷相倚  
恨背立西風回首悵望採蓮人煙波萬重吳岫

滿庭芳

憶廬山

欲買廬山山前三畝小橋橫過松間變名吳市  
誰認舊容顏最好棲賢峽外應自此都隔塵寰



人稀到壺中化國光景更堪閑

無心求至道柴門閉了飽睡甘飡幸兒成孫長  
爲掃家山若問它年歸去驀地也雙槩來還愁  
難捨清風萬壑高處正躋攀

又次韻答季良

閑說秋來乘槎心懶夢回三島波間便思黃帽  
同我老山顏上界仙人官府何似我蕭散塵寰  
雲無止流泉自急此意本來閑

寂寥松桂圃陪君好語亦可忘飡况瓊枝玉蕊  
秀滿春山若問幽棲何意莫道是飛鳥知還無

言處孫登半嶺高韻更難攀

又用東坡韻題自畫蓮社圖

歸去來兮名山河處夢中廬阜嵯峨二林深處  
幽士往來多自畫遠公蓮社教兒誦李白長歌  
如重到丹崖翠戶瓊草秀金坡

生綃雙幅上諸賢中履文彩天梭社中客禪心  
古井無波我似淵明逃社怡顏盼百尺庭柯牛  
閑放溪童任懶吾已廢鞭蓑

尾犯廬山一名碧芙蓉

廬山小隱漸年來踈懶浸濃歸興綵橋飛過深

溪地底奔雷餘韻香  
爐照日望處與青霄  
近想群仙呼我應  
還怪來鬚絲垂鏡

海上雲車回軻少  
姑傳金母信森翠  
裾瓊佩落日初霞  
紛紜相映誰見壺  
中景花洞裏香然  
漁艇別是個瀟灑  
乾坤世情塵土休  
問

尉遲盃亳社作惜花

去年時正愁絕過  
却紅杏飛沉吟杏  
子青時追悔負好  
花枝今年又春到  
傍小欄日日數花  
期花有信人却無  
憑故教芳意遲遲  
及至待得融怡未  
攀條拈藥已難春  
歸怎得春

如天不老更教花與月相隨都將命拚與酬花  
似峴山落日客猶迷儘歸路拍手攔街笑人沉  
醉如泥

八六子 重九即事呈徐倅祖禹十六叔

喜秋晴淡雲縈縷天高群鴈南征正露冷初減  
蘭紅風緊潛彫柳翠愁人滿長夢驚

重陽景物淒清漸老何時無事當歌好在多情  
暗自想朱顏並遊同醉官名韁鎖世路蓬萍難  
相見賴有黃花滿把從教綠酒深傾醉休醒醒  
來舊愁旋生

臨江仙 呈祖禹十六叔

盡說彭門新半刺，昆吾剗玉如泥。功名餘事不  
須爲。才情詩裏見，風味酒邊知。

好在阿咸同老也，青雲往歲心期。千鍾百首興  
來時。伯倫從婦勸，元亮信兒癡。

又

十歲兒曹同硯席，華裾織翠如葱。一生心事醉  
吟中。相逢俱白首，無語對西風。

莫道樽前情調減，衰顏得酒能紅。可憐此會意  
無窮。夜闌人恣睡，獨遶菊花叢。

驀山溪

譙園飲酒爲守令作

譙園幽古煙鏤前朝檜搖落棗紅時滿園空幾  
株蒼翠史君才譽金殿握蘭人將風調改荒涼  
便是嬉遊地

劉郎莫問去後桃花事司馬更堪憐掩金觴琵琶  
催淚愁來不醉不醉奈愁何汝南周東陽沈  
勸我如何醉

又

金樽玉酒佳味名仙檜恐是九龍泉堪一飲霜  
毛却翠何須說此只但飲陶陶燈光底百花春

自是仙家地

星郎早貴慣見風流事留我不須歸倒樽空燭  
堆紅淚飛鳧令尹才調更翩翩休吊古枉傷神  
有興來同醉

又 亳社寄文潛舍人

蘭臺仙史好在多情否不寄一行書過西風飛  
鴻去後功名心事千載與君同只狂飲只狂吟  
綠鬢殊非舊

山歌村館愁醉潯陽叟且借兩州春看一曲樽  
前舞袖古來畢竟何處是功名不同飲不同吟

也勸時開口

又和王定國朝散憶廣陵

揚州全盛往事今何處  
帆錦兩明珠  
罨蓋薇月中  
嬉語朱衣白面公子似  
神仙登雲嶼  
臨煙渚  
狂醉成懷古

蘭舟歸後誰與春爲主  
吟笑我重來  
倚瓊花東  
風日暮  
吳霜點鬢  
流落共天涯  
竹西路  
高陽侶  
魂夢應相遇

憶秦娥

和留守趙無媿送別

牽人意  
高堂照碧臨  
煙水清  
秋至東山時  
伴謝



公携妓

黃菊雖殘堪泛蟻  
乍寒猶有重陽味  
應相記坐中少个孟嘉狂醉

好事近

南都寄歷下人

絲篴鬧南湖  
湖上醉遊時  
晚獨看小橋官柳淚  
無言偷滿

坐中誰唱解愁辭  
紅粧勸金盞物是奈人非  
是負東風心眼

阮郎歸

同十二叔泛濟州環溪

西城北渚舊追隨  
荒臺今是非  
白蘋無主綠蒲

迷停舟憶舊時

雙鴨戲亂鷗飛人家煙雨西不成携手折芳菲  
蘭橈惆悵歸

又

一濠秋水淨漣漪紅粧照水嬉攀條尋藕怯船  
移浮萍濕綉衣

臨好景惜輕歸夕陽洲渚迷城門燈火簇輪蹄  
沙鷗飛去時

又

兒童嬉戲杏花堤春歸不解悲重來草露濕人

衣無花空繞枝

曾學道久忘機一樽甘若飴平生魚鳥與同歸  
臨風心自知

宴桃源

往歲真源謫去紅淚揚州留住飲罷一帆東去  
入楚江寒雨無緒無緒今夜秦淮泊處

一叢花

謝濟倅宗室令鄰送酒

王孫眉宇鳳凰鷄天與世情踈揚州坐上瓊花  
底佩錦囊曾憶奚奴金盞醉揮滿身花影紅袖  
競來扶

十年一夢訪林居  
離缺重踟蹰  
應怜肺病臨  
卽客寄洞庭春色  
雙壺天氣未佳  
梅花正好曾醉  
燕堂無

又

十二叔節推以無咎生日  
於此聲中爲辭依韻和答

碧山無意解銀魚  
花底且携壺  
華顛又喜能罷  
且笑騏驥老反爲駒  
文史漸拖功名更懶  
隨處見真如

高情敢並漢庭踈  
長揖去田廬  
囊無上賜金堪  
散也未妨山獵溪  
漁廉頗縱強莫隨  
年少白馬向黃榆

又再呈十二叔

飛鳧仙令氣如虹  
脫徒向塵籠  
凌煙畫像雲臺  
議似眼前百草  
春風盞裏聖賢  
壺中天地高興  
更誰同

應懷得雋大明宮  
無事老馮公  
玉山且向花間  
倒任從笑老入  
花叢三徑步餘  
一枝眠穩心事  
付千鍾

晁氏琴趣外篇卷之三

晁氏琴趣外篇卷之四

臨江仙 用韻和韓求仁南都留別

曾唱牡丹留客飲 明年何處相逢 忽驚鶻起落  
梧桐綠荷多少恨 回首背西風  
莫歎今宵身是客 一樽未曉猶同 此身應似去  
來鴻 江湖春水闊 歸夢故園中

又 同前

常記河陽花縣裏 恰如飯顆山逢 春城何處滿  
絲桐 綸巾并羽扇 君有古人風  
重向梁王臺畔 見黃花綠酒 誰同新詩別後寄

南鴻回頭思照碧人在白雲中

浣溪沙廣陵被召留別

帳飲都門春浪驚東飛身與白鷗輕淮山一點  
眼初明

誰使夢回蘭芷國却將春去鳳凰城檣烏風轉  
不勝情

憶少年別歷下

無窮官柳無情盡舸無根行客南山尚相送只  
高城人隔

罨畫園林溪紺碧筭重來盡成陳迹劉郎鬢如



此况桃花顏色

江神子 廣陵送王左丞赴闕

舊山鉛槧倦，樓遲叩宸闈。向淮圻，五馬行春，初  
喜後車隨。太守風流容客醉，花厭帽，酒淋衣。  
隋宮煙外草萋萋，菊花時，動旌旗。起舞留公且  
住，慰相思。王粲詩成何處，寄人北去，鴈南飛。

虞美人 廣陵留別

江南載酒平生事，游宦如萍寄。蓬山歸路傍銀  
臺，還是揚州一夢，却驚回。

年年后土春來早，不負金樽倒。明年珠履賞春

時應寄瓊花一朵慰相思

金盞倒垂蓮

依韻和次膺寄楊仲謀觀察

諸阮英游盡千鍾飲量百丈詞源對舞春風螺  
髻小雙蓮念兩處登高臨遠又傷芳物新年此  
淚不待柏伊危柱哀絃

身閑未應無事趁栽梅徑裏插柳池邊野鶴飄  
飄幽興在青田也莫話書生豪氣更銘功業燕  
然畢竟得意何如月下花前

又

次韻同寄霸師楊仲謀安撫

休說將軍解彎弓掠地崑嶺河源綵筆題詩綠

水映紅蓮筭總是風流餘事會  
須行樂况有一部隨軒脆管繁絃

多情舊游尚憶寄秋風  
萬里鴻鴈天邊未學元龍  
豪氣笑求田也莫爲庭槐  
興歎便傷搖落淒然後會  
一笑猶堪醉倒花前

西平樂

廣陵送王資政正仲赴闕

鳳詔傳來絳闕當宁思賢輔  
淮海甘棠惠化霖雨  
商巖吉夢熊虎周郊舊卜  
千秋盛際催促朝天歸去  
動離緒

空眷戀難暫駐新植雙亭  
臨水風月佳名未覩

準擬金樽時舉况樂府風流一部妍歌妙舞縈  
雲回雪親教與恨難訴爭欲攀轅借住功成繡  
衮重與江山作主

御街行 待命護國院不得入國門 寄內

年年不放春閑了今歲嚼盃少來時柳上淺金  
黃歸路玉綿吹帽惜春長似五陵狂俊不道朱  
顏老

斜煙薄雨青林杳猶有鶯聲到西園紅艷綠盤  
龍辜負一年春好錦城樂事不關愁眼何似還  
家早

生查子 同前感舊

宮裏姝娥眉十載辭君去翠袖怯天寒脩竹無人處

今日近君家望極香車駑一水是紅墻有恨無由語

青玉案 同前

十年不向都門道信匹馬羞重到玉府驂鸞猶年少宮花頭上御爐煙底常日朝回早

霞觴翻手群仙笑恨塵土人間易春老白髮愁占彤庭杳紅墻天阻碧濠煙鎖細雨迷芳草

水龍吟 始去齊路逢次膺叔感別 叙舊

去年暑雨鈎盤夜闌睡起同征轡今年芳草齊  
河古岸扁舟同艤萍梗孤蹤夢魂浮世別離常  
是念當時綠鬢狂歌痛飲今樵悴東風裏

此去濟南爲說道愁腸不醒猶醉多情北渚兩  
行煙柳一湖春水還唱新聲後人重到應悲桃  
李待歸時攬取庭前皓月也應堪寄

南歌子 譙園作

霜細猶欺柳風柔已弄梅東園搥鼓賞新醅喚  
取舞周歌沈探春回

妙舞堪千盞長歌可百盃  
笑人將恨上春臺  
勸我十分一舉兩眉開

醉落魄

用韻和李季良泊山口

高鷓遠鷺溪山一帶人  
煙簇知君船近漁磯宿  
輕素橫溪天淡掛寒玉

誰家紅袖攔干曲  
南陵風軟波平綠  
幽吟無伴芳樽獨清瘦  
休文一夜傷單縠

萬年歡

次韻和季良

憶昔論心盡青雲  
少年燕趙豪俊二十南游曾  
上會稽千仞捐袂江中往歲有騷人  
蘭蓀遺韻

嗟管鮑當日貧交半成翻手難信

君如未遇元礼肯抽身盛時尋我幽隱此事談  
何容易驥才方騁綵舫紅粧圍定笑西風黃花  
班鬢君欲問投老生涯醉鄉歧路偏近

臨江仙

信州作

謫官江城無屋買殘僧野寺相依松間藥臼竹  
間衣水窮行到處雲起坐看時

一箇幽禽緣底事苦來醉耳邊啼月斜西院愈  
聲悲青山無限好猶道不如歸

虞美人

羊山天

餞杜侍郎郡君十二姑及外弟



原桑飛盡霜空杳  
霜夜愁難曉  
油燈野店怯黃昏  
窮途不減酒杯深  
故人心

羊山古道行人少也  
送行人老一般  
別語重千金  
明年過我小園林  
話如今

安公子

和次膺叔

少日狂游好閨苑  
花間同低帽  
不恨千金輕散  
盡恨花殘鶯老  
命小轡翩翩隨處  
金樽倒從市人  
拍手攔街笑  
鎮瓊樓歸卧麗日  
三竿未覺  
迷路桃源了  
亂山沉水何由到  
撥斷朱絃成底  
事痛知音人  
悄似近日曾教青鳥  
傳佳耗  
學鳳

簫擬入煙蘿道問劉郎何計解使紅顏却少

綠頭鴨

韓師朴相公會上觀  
佳妓輕盈彈琵琶

新秋近晉公別館開筵喜清時銜盃樂聖未饒  
綠野堂邊繡屏深麗人乍出坐中雷雨起鷓絃  
花暖間關冰凝幽咽寶釵搖動墜金鈿未彈了  
昭君遺怨四坐已淒然西風裏香街駐馬嬉笑  
微傳

筭從來司空慣斷腸初對雲鬢夜將闌井梧下  
葉砌蛩收響悄林蟬賴得多愁潯陽司馬當時  
不在綺筵前競歎賞檀槽倚困沉醉到觥船芳

春調紅英翠萼重變新妍

水龍吟 寄留守無愧文

滿湖高柳搖風坐看驟雨來湖面跳珠濺玉圓  
荷翻倒輕鷗驚散堂上涼生檻前暑退羅裾凌  
亂想東山謝守綸巾羽扇高歌下青天半

應記狂吟司馬去年時黃花高宴竹枝苦怨琵琶  
多淚新年鬢換常恐歸時眼中物是日邊人  
遠望隋河一帶傷心霧靄遣離魂斷

惜奴嬌

歌闋瓊筵暗失金貂侶說衷腸丁寧囑付棹竿

帆開黯行色秋將暮欲去待却回高城已莫  
漁火煙村但觸目傷離緒此情向阿誰分訴那  
裏思量爭知我思量苦最苦睡不着西風夜雨

臨江仙

身外閑愁空滿眼就中歡事常稀明年應赴送  
君詩試從今夜數相會幾多時

淺酒欲邀誰共勸深情惟有君知東溪春近好  
同歸柳垂江上影梅謝雪中枝

又

自古齊山重九勝登臨夢想依依偶來恰值菊

花時難逢開口笑，須插滿頭歸。  
昨夜一江風色好，平明秋浦帆飛。  
可恨如赴史君期，且當訓令節，不用歎斜暉。

滿庭芳

鄉物牽情，家山回首，浩然歸興難收。  
報恩心事，投老拚悠悠。却笑當年牛下，輕自許、激烈寒謳。  
成何事，夷猶桂楫，蘭芷詠芳洲。  
人生萍梗迹，誰非樂土，何處吾州。  
筭不須臨歧，懍恍遲留。要看香爐瀑布，丹楓亂、江色凝秋。  
真堪與、瀟湘暮雨，圖上畫扁舟。

定風波

跨鶴揚州一夢回東風拂面上平臺閬苑花前  
狂覆酒拍手東風騎鳳却教來

謫好伯陽丹井畔官滿平臺還見片帆開上界  
雖然官府好物道散仙無事好追陪

千秋歲

玉京仙侶同受琅函結風雨隔塵埃絕霞觴翻  
手破閬苑花前別鵬翼歛人間泛梗無由歇

豈憶山中酒還共溪邊月愁悶火時間滅何妨  
心似水莫遣頭如雪春近也江南鴈識歸時節

又

葉舟容易行盡江南地南鴈斷無書至  
憐君羈旅處見我飄蓬際如夢寐當年閩苑曾相對

休說深心事但付狂歌醉那更話孤帆起  
水精溪遶戶雲母山相砌君莫去只堪伴我溪山裏

鷓鴣天

欲上南湖綵舫嬉還思北渚與嵐漪  
圓荷蓋水垂楊暗瀉鷓鴣鴛鴦惣下時

持此意遣誰知清波還照鬢  
鬢間絲西樓重唱池塘好應有紅粧  
斂翠眉

清平樂

炎天畏景午漏那堪永何苦相仍愁簿領短壑  
清溪牽興

瑤臺月下曾逢何由却覩冰容一笑爲驅煩暑  
故人元是清風

晁氏琴趣外篇卷之四



晁氏琴趣外篇卷之五

虞美人 用韻答秦令

荒城又見重陽到  
狂醉還吹帽  
人生開口笑  
難逢何況良辰一半別離中

平臺珠履登高處  
猶自懷人否  
且簪黃菊滿頭  
歸惟有此花風韻似年時

浣溪沙

江上秋高風怒號  
江聲不斷鴈嗷嗷  
別魂迢遞爲君銷

一夜不眠孤客耳  
耳邊愁聽雨蕭蕭  
碧紗窓外

有芭蕉

萬年歡 寄韻次膺叔

十里環溪記當年並遊依舊風景綵舫紅粧重  
泛九秋清鏡莫歎歌臺蔓草喜相逢歡情猶勝  
蘋洲畔橫玉驚鸞半天雲正愁疑

中秋醉魂未醒又佳辰授衣良會堪更蚤歲功  
名豪氣尚凌汝穎能致黃金一井也莫負鷓夷  
高興別有个瀟灑田園醉鄉天地同永

一叢花

東君密意在花心飛雪戲粧林多情定怪春來

晚故穿花千點深深煙柳上輕風絲漫裊樓閣  
晚還陰

雕梁雙燕悄來音簾幕鎮沉沉西城未有花堪  
採醉狂興冷落難禁應約萬紅商量細細留向  
未開尋

減字木蘭花和求仁南郡都別

萍蓬行路來不多時還遣去會有重來還把清  
樽此地開

隋河楊柳見我五年三執手紅淚多情待得重  
來走馬迎

菩薩蠻

玉京不許塵容到  
踈慵只合踈慵  
老鷗鳥共煙波  
田夫與醉歌

忘懷無物我莫似  
陳驚坐勲業付長閑  
西山爽氣間

鷓鴣天

杜四侍郎郡君十二姑生日

吉夢靈蛇朱夏宜  
佳辰阿母會瑤池  
竹風荷雨來消暑  
玉李冰瓜可療飢

心悟了道成時不勞  
龍女騁威儀  
僧祇世界供遊戲  
賢懿光陰比壽期

鳳簫吟 永嘉郡君生日

曉瞳籠風和雨細南園次第春融嶺梅猶妬雪  
露路桃雲杏已綻碧呈紅一年春正好助人狂飛  
燕遊蜂更吉夢良辰對花忍負金鍾

香濃博山沉水小樓清旦佳氣葱葱舊遊應未  
改武陵花似錦笑語相逢藥宮傳妙訣小金丹  
同換冰容况共有芝田舊約歸去雙峯

梁州令

同前

二月春猶淺去年櫻桃開遍今年春色怪遲遲  
紅梅常早未露臙脂臉

東君故遣春來緩似會人深願蟠桃新鏤雙盞  
相期似此春長遠

引駕行同前亦名長春

春雲輕鑠春風乍扇園林曉掃華堂正桃李芳  
時誕辰還到年少記絳蠟光搖金猊香郁寶粧  
了驟駿馬天街向晚喜同車詠窈窕

多少盧家壺範杜曲家聲榮耀慶孟光齊眉馮  
唐白首鎮同歡笑縹緲待琅函深討芝田高隱  
去偕老自別有壺中永日比人間好

菩薩蠻同前

百花含蕊東風裏南園小雨朱扉啓春色一年  
年年花共妍

清談招隱去莫認如賓處華髮好風光林間此  
味長

點絳唇同前

回鴈風微養花濃淡天容好似春知道吉夢佳  
辰到

共樂春臺携手逢萊小同傾禱願春不老歲歲  
尋芳草

上林春 韓相生日

天惜中秋三夜淡雲占得今宵明月猛陬歲好  
金風氣爽清時挺生賢哲相門出相筭鍾慶自  
應累葉乍歸來暫燕處共仰赤松高轍  
想人生會須自悅浮雲事笑裏尊前休說舊有  
衮衣公歸未晚千歲盛明時節命圭相印看重  
賞晉公勲業濟生靈共富壽海深天闊

楊柳枝

素色清薰出俗華  
鴈前花軒前愛日掃雲遮  
幾枝斜

月淡紗窻香暗透  
白於紗幽人獨酌對芳葩  
興



無涯

驀山溪

鳳凰山下東畔青苔院  
記得當初个與玉人幽  
歡小宴黃昏風雨人散  
不歸家簾旌捲燈火顫  
驚擁嬌羞面

別來憔悴偏我愁無限  
歌酒情都減也不獨朱  
顏改變如今桃李湖上  
泛舟時青天晚青山遠  
願見無由見

又

自來相識比你情都可  
咫尺千里筭惟孤枕單

五  
云  
袞知我終朝盡日無緒亦無言我心裏忡忡也  
一點全無那

香牋小字寫了千千个我恨無羽翼空寂寞青  
苔院鎖昨朝寬我却道不如休天天天不曾麼  
因甚須寬我

生查子

夜飲別佳人梅小猶飄雪忍淚一春愁過却花  
時節

相見話相思重與臨風月休似那回時無事還  
輕別

少年遊

當年携手是處成雙無人不羨自閒阻五年也  
一夢擁嬌嬌粉面

柳眉輕掃杏腮微拂依前雙靨盛睡裏起來尋  
覓却眼前不見

青玉案

三年宋玉墻東畔怪相見常低面一曲文君芳  
心亂忽忽依舊吹散月淡梨花館

秋娘苦妬浮金盞漏此子堪猜是嬌盼歸去相  
思腸應斷五更無寐一懷好事依舊監橋遠

江城子 贈次膺叔家娉娉

娉娉聞道似輕盈好佳名也堪稱楚觀雲歸重  
見小樊驚鵝豆蔻梢頭春尚淺嬌未頤已傾城  
章臺休詠舊青青惹離情恨難平無事飛花撩  
亂撲旗亭不似劉郎春草小能步步伴人行

青玉案 傷娉娉

彩雲易散琉璃脆念往事心將碎只合人間十  
三歲百花開盡丁香獨自結恨春風裏

小園幽檻經行地恨春草佳名謾拋棄簇蝶羅  
裙休將施香殘燭燼微風觸慢髮鬢嬌頰是

勝勝慢

家妓榮奴既出有感

朱門深掩擺蕩春風無情鎮欲輕飛斷腸如雪  
撩亂去點人衣朝來半和細雨向誰家東館西  
池筭未肯似桃含紅蕊留待郎歸

還記章臺往事別後縱青青似舊時垂灞岸行  
人多少竟折柔枝而今恨啼露葉鎮香街拋擲  
因誰又爭可妬郎誇春草步步相隨

點絳唇

同前

檀口星眸艷如桃李情柔惠據我心裏不肯相  
拋棄

哭怕人猜笑又無滋味忡忡地繫人心裏一句  
臨歧誓

晁氏琴趣外篇卷之五

晁氏琴趣外篇卷之六

永遇樂

贈雍宅璨奴

銀燭將殘玳筵初散依舊愁緒醉裏凝眸嬌來  
縱躡此意難分付恰伊只似風前輕燕好語暫  
來還去重樓靜珠簾休下待掃盡梁梁留住

青娥皓齒雲鬟花面見了綺羅無數只你厭厭  
教人竟日一點無由訴如今拚了縈眠惹夢沒  
个頓身心處深誠事驂鸞解佩是許未許

虞美人

代內

梅花時候君輕去曾寄紅牋句胡麻好種少人

知正是歸時何處誤芳期  
誰教又作狂遊遠歸路楊花滿當年不負瑣窓  
春老向長楸走馬更愁人

朝天子

酒醒情懷惡金縷褪玉肌如削寒食過却海棠  
花零落

漸日照攔干煙淡薄繡額珠簾籠畫閣春睡着  
覺來失鞦韆期約

行香子 贈輕盈

柳態纖柔雪艷踈明問人來人道輕盈張琵琶蓮



臉一寸波橫比瀟洒處猶難稱此嘉名  
花前燭下微嚔淺笑要題詩盞畔低聲司空自  
慣狂眼須驚也不辭寫雙羅帶恐牽情

感皇恩

終歲憶春回西園行盡歡喜梅梢上春信去年  
携手暗約芳時還近燕來鶯又到人無準  
憑誰向道流光一瞬佳景閑無事衣褪春歸何  
處又對飛花難問舊歡都未遇成新恨

臨江仙

代內

馬上忽忽聽鵲喜朦朧月淡黃昏珀羅雙扇擁

朝雲粉光先辨臉朱色恁分唇

暫別寶奩蛛網遍春風淚污榴裙香牋小字寄  
行雲纖腰非學楚寬帶爲思君

碧牡丹

王晉卿都尉宅觀舞

院宇簾垂地銀箏鴈低春水送出燈前婀娜腰  
肢柳細步蹙香裊紅浪隨鴛履梁州緊鳳翹墜  
悚輕躰

繡帶因風起霓裳恐非人世調促香檀困入流  
波生媚上客休辭眼亂樽中翠玉階霜透羅袂

少年遊

前時相見樓頭窻畔樽酒望銀蟾如今間阻銀  
蟾又滿小閣下珠簾  
願得吳山山前雨長恁晚廉纖不見樓頭嬋娟  
月且寂寞閉窻眠

西江月

似有如無好事多離少會幽懷流鶯過了又蟬  
催腸斷碧雲天外  
不寄書還可恨全無夢也堪猜秋風吹淚上樓  
臺只恐朱顏便改

鷓鴣天

繡幕低低拂地垂春風何事入羅幃胡麻好種  
無人種正是歸時君未歸

臨晚景憶當時愁心一動亂如絲夕陽芳草本  
無恨才子佳人空自悲

滿江紅

寄內

月上西窗書幃靜燈明又滅水漏澁銅壺香燼  
夜霜如雪睡眠不曾通夕閉夢魂爭得連宵接  
念碧雲川路古來長無由越

鸞釵重青絲滑羅帶緩小腰怯伊多感那更恨  
離傷別正是少年佳意氣漸當故里春時節歸

去來莫教子規啼芳菲歇

菩薩蠻代歌者怨

絲篁鬪好鶯羞巧紅檀微映燕脂小當斂雙蛾  
曲中幽恨多

知君吟舞袖舞要歌成就獨舞不成妍因歌舞  
可憐

減字木蘭花

陳履常

娉娉嫋嫋紅落東風青子小妙舞委蛇拍誤周  
郎却未知

花前月底誰喚分司狂御史欲語還休喚不回

頭沒着羞

臨江仙

離別尋常今白首更須竹雨蕭蕭不應都占世  
間豪清風居士手楊柳洛城腰

文子功名真自誤從今好月良宵只消恰取董  
嬌饒修門君自到不用我詞招

又 晁達州見和

君似蒼崖千仞竹一枝孤映蒿蕭簞瓢不減万  
鍾豪閑情搔短髮佳句詠纖腰

罷酒蘭舟回楚拖相思何處今宵淮南幽桂水

雲饒他年春草恨應有小山招

紫玉簫

過堯民金部四叔位見韓相家姐輕盈所留題

羅綺叢中笙歌叢裏眼狂初認輕盈無花解比  
似一鈎新月雲際初生筓不虛得郎占與第一  
佳名輕歸去那知有人別後牽情

襄王自是春夢休謾說東牆事更難憑誰教慕  
宋要題詩曾倚寶柱低声似瑤臺曉空暗想衆  
裏飛瓊餘香冷猶在小窻一到魂驚

鬪百草

別日常多會時常少天難曉正喜花開又愁花

謝春也似人易老慘無言念舊日朱顏青歡莫  
笑便冉冉如雲霏霏似雨去無音耗

追想墻頭梅下門裏桃邊名利爲伊都忘了血  
寫香牋淚封羅帕記三日離腸恨攪如今事十  
二樓空憑誰到此情悄擬回船武陵路杳

又

往事臨邛舊遊雅態羞重憶解賦才高好音情  
慧琴裏句中暗識正當年似閨苑瓊枝朝朝相  
倚便滌器何妨當炉正好鎮同比翼

誰使褰裳佩失推枕雲歸惆悵至今遺恨積雙



鯉書來大刀詩意縱章臺青青似昔重尋事前  
度劉郎轉愁寂謾贏得對東風對花歎息

鬪百花 汶妓閨麗

小小盈盈珠翠憶得眉長眼細曾共映花低語  
已解傷春情意重向溪堂臨風看舞梁州依舊  
照人秋水轉更添姿媚

與問階上簸錢時節記微笑但把纖腰向人嬌  
倚不見還休誰教見了厭厭還是向來情味

又 汶妓楮延娘

臉色朝霞紅膩眼色秋波明媚雲度小釵濃鬢

雪透輕綺香臂不語凝情教人喚得回頭斜盼  
未知何意百態生珠翠

低問石上鑿井何由及底微向耳邊同心有緣  
千里飲散西池涼蟾正滿紗窗一語繫人心裏

又

斜日東風深院繡幕低迷歸燕瀟灑小憚嬌面  
鬢鬢燈前初見與選筵中銀盆半拆姚黃插向  
鳳凰釵畔微笑遮紈扇

教展香裯看舞霓裳促遍紅飈翠翻驚鴻乍拂  
秋岸柳困花慵盈盈自整羅巾須勸倒金盞

御街行

天街月照珠簾粉鞦韆曾相近繁華樂事老來慵對酒尚吟佳景王孫年少風流應更無奈春愁悶

幽期莫誤香閨恨羅帶今朝褪月圓花好一般春觸處揔堪乘興有人惆悵何如歸好相見憑君問

南歌子

睡起臨窻坐粧成傍砌閑春來莫捲繡簾看嫌怕東風吹恨在眉間

鸚鵡花前弄琵琶  
月下彈  
驀然收袖倚欄干  
一向思量何事點雲鬟

清平樂

寒風鴈度聲向千門去也  
到文闈校文處也  
到文君繡戶

背燈解帶驚魂  
長安此夜秋聲早  
是夜寒不寐  
五更風雨無情

好事近

歸路苦無多  
正值早秋時節  
應是畫簾靈鵲把  
歸期先說

就中風送馬蹄輕人意漸歡悅此夜醉眠無夢  
任西樓斜月

晁氏琴趣外篇卷之六